

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Muir. A. Azim (atba)

27 Novembre 2020

11 Rabi'ul Aakhir 1442 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Duhs (Invocations) (Pt. 21)



Alhamdulillah, Summa Alhamdulillah, mo pé contigner par la grâce d'Allah, Qui Rempli de Majesté, de l'Honneur et de Gloire [Dhul Jalali wal Ikram] mo 21^{ème} et dernier Khutba dans sa bane séries Khutbas là lors le thème de *duhs*. Sa sujet là li bien vaste et pas pou capave fini causer lors *duhs* et mette devant zot tous bane *duhs* ki Allah fine révéler à So bane Messagers, Messie et le Khalifatullah de sa l'époque là.

Rabbi atinee milladunka ansaaran fee deenika wa adh-hib annee huznee wa asli lee shaanee kullahu laa ilaaha illa anta.

Ô mo Rab! Accorde-moi bane l'aides pour aide moi dans To religion, et enlève mo bane tracas et faire moi réussi dans mo bane zefforts; Péna personne aparte Toi Qui pou capave accorde so l'aide.

Wamaa taufeeqee illa billaahi, rabbi'an-tiquaa bil-haqqi waksif'-alainal haqqa wahdinaa ilaa haqqin mubeen.

Mo pas ena la capacité pou réalise quoique ce soit sans faveur d'Allah Le Tout-Puissant. Ô mo Maître, aide-moi pou dire la vérité, révèle-nous la vérité et guide-nous vers la justice [la droiture].

Bismillah-illazi laa yazwurru ma'asmihi shay-unn fil ardzi wa laa fis-samaa'a-ee wa huwa sami'-ul 'aleem.

Au nom d'Allah, par le nom de Qui personne dans sa le monde là, ni dans les ciels pou capave faire kit ditort, et Li entende et conne tout.

Rabbin surrni 'alal qawmil-mufsideen.

Ô mo Rab!, aide-moi contre bane fouteurs désordres.

Wa laa tousmitbi aduwan wa laa laasedan.

Faire [Ô mo Rab!] ki aucaine jaloux ou l'ennemi pas humilier moi.

Rabbi kullu shay-inn khaadimuka; Rabbi faahfazna wan surna war hamna.

Ô mo Rab, tous kitchoses zot To serviteur; Ô mo Maître ! Protège-nous et guide-nous, et gagne pitié de nous.

Yaa Haiyyu, Yaa Qayyumu bi Rahmatika asta-ghissu inna Rabbi Rabbu-samaawaati wal ardz.

Ô Toi, l'Eternel, Toi Qui exister par Toi-même et Qui faire tout exister; Mo supplier Toi pour accorde moi To la grâce. Sûrement c'est Toi mo Rab, et sans aucaine doute c'est Toi tout seul le Rab de bane les ciels et la terre.

Allahumma munzilal kitaab wa mudjriyas sahaab wa haazimal ahzaab ihzimhim wansurnaa 'alayhim.

Ô Allah, Toi Qui fine faire dessane le Livre, Qui faire bane nuages bouger et Qui faire bane troupes [l'ennemis] disperser ; disperse-zot [mentionne le nom de nous bane adversaires] et aide-nous contre zot.

Allahumma inni a'uzubika min jahdil balaa-i, wa darkish-shiquaa-i, wa suu-il qazwaa-i, wa shamaa tatil a'daaa-i.

Ô Allah, mo cherche refuge auprès de Toi contre bane difficultés, contre bane mals et contre bane mauvais jugements et contre la joie de bane l'ennemis.

Hasbiyallahu liddeeni, hasbiyallahu limaa ahammani, hasbiyallahu limann baghi'a alayya, hasbiyallahu limann hasadane, hasbiyallahu limann kaadane bissuu-in.

Allah suffit pour moi pour mo religion. Allah suffit pour moi pour saki tourmente moi. Allah suffit pour moi contre celui ki opprime moi. Allah suffit pour moi contre celui ki jaloux moi. Allah suffit pour moi contre celui ki prépare ene ruse contre moi.

Allahumma anta a'zvuudi wa nasweeri bika anhuulu wa bika ass-wuulu wa bika uqaatilu.

Ô Allah, To mo les bras (mo soutien) et mo l'aide et mo circuler librement grâce à To l'aide, mo attaquer par To l'aide et mo faire face (l'ennemi) avec To l'aide.

Fa 'ithas tawaita anata waman ma'aka alal fulki fa quill hamdu lillaahil lazi najjaanaa minal qawmiz-zaalimin wa qul: Rabbi 'anzilnee munzalam mubaarakan wa anta khairul munzileen.

Et kan zot embarquer dans l'Arche – toi et bane ki avec toi - dire: « Louange à Allah ki fine sauve nous de bane dimounes ki faire du tort. » Et dire : « Ô mo Maître, permette-moi pou débarquer avec To bénédiction, car To le meilleur pour permettre nous pou débarquer. »

Laa ilaaha illallahul-Haleemul-Kareem. Subhaanallahi Rabbil-'arshi 'azim. Al-hamdulillah Rabbil-'alameen. As-'aluka mujibati rahmatika, wa 'aza-ima maghfiratika wal ismata min kulli thanbin, wal ghaneemata min kuli birrin, was-salamata min kulli ithmin. La tada' li dhanban illa ghafartahu, wala hamman illa farajtahu, wala hajatan hiya laka ridan illa qadaytaha ya Arhamar-Rahimeen.

Pas ena aucaine divinité aparte Allah, Celui Qui pli Indulgent et Qui Plus Aimable, Qui pas ena aucaine tâche lors Li et c'est Li le Maître du grand trône. Donc, louange à Allah, le Maître de tous bane les mondes [Qui content occupe nous avec tout So l'amour] – mo cherche tous moyens pou gagne To miséricorde et To pardon et mo rode ene refuge complet [auprès de Toi] pou To sappe moi de bane péchés, et ki To accorde moi ene pleine mesure de bane actes vertueux et ene sécurité totale contre l'iniquité [bane mauvais actions, bane injustices]. (Ô Allah) pas laisse ene sel de mo bane péchés pou être laissé de côté et accorde To pardon

pour tous sa là [pas laisse aucaine de mo bane péchés reste sans To pardon], et soulage tous mo bane inquiétude et douleur, et accompli tout mo bane besoins ki dans To faveur, ki faire Toi plaisir, Ô Toi, Le Plus Miséricordieux de bane ki faire miséricorde.

Allahumma maghfiratuka au-sa'u min thunuubee wa Rahmatuka arjaa indee min amalee.

Ô Allah, To pardon li bien plus grand ki mo bane péchés et To pardon li bien plus prometteur pour moi ki mo bane (bons) actions.

Allahumma salli alaa Muhammadin abdika wa rasoolika wa 'alal Mu'mineena wal Mu'minaati wal Muslimeena wal Muslimaati.

Ô Allah, déverse To bane bénédictions lors Muhammad (saws), To serviteur et messenger et lors bane croyants et musulmans.

Pour résoudre ene problème de Jamaat dans ene pays kot nous fine établi le Jamaat (ene pays pauvre), mo ti contracter ene dette avec quelqu'un, kot mo fine prend ene gros somme l'argent et nous ti tombe d'accord ki mo pou rembourse sa l'argent là dans cinq mois. Alors, kan sa jour là fine vini pour mo rende sa l'argent là, mo pas fine capave faire li à cause bane problèmes financiers. Alors, mo fine explique mo problème à sa dimoune là et li fine bien gentil et accepter poliment pour donne moi plisse lé temps pour rembourse li sa l'argent là. Li fine donne moi trois mois supplémentaires pour rembourse mo dette. Mo fine dire li ki *Insha-Allah*, mo pou rende li tout so l'argent.

Alors, mo fine tourne vers mo Rab, mo Allah (swt) avec beaucoup de *duahs* afin ki Li ouvert mo chemin pour ki mo rembourse sa dette là. Ene jour, dans mois octobre de l'année 2019 (ene lundi après Namaz Tahajjud et Fajr), mo fine gagne sommeil et mo fine trouve ene dimoune habiller en blanc, et avec ene longue la barbe (ene dimoune bien joli, beau, et blanc) mette so la main lors mo la tête – kot à ce moment-là, mo senti ene très bon parfum – et li dire moi pou récite après li sa *duah* là:

Allahummak fine bi-halaalika an haraamika wa agh-ni-nee bi fadh-lika amman siwaaka. Allahumma faarijal hammi kaashifal ghammi mujeeba da'watil mudhtar-reen rahmaanad dunyaa wa raheemahaa anta tarhamunee far hamnee bi rahamatin tugh-nee-nee bihaa an rahmati man siwaak.

Ô Allah, donne-moi bane moyens de subsistance ki légitimes [Halal], ki pou suffit à mo bane besoins au lieu de saki mal acqui [Haraam], et accorde-moi de par To grâce la liberté pou pas bizin quoique ce soit de bane les autres autre ki Toi-même. Ô Allah, Toi ki apaize bane l'inquiétude et chagrin, Toi Qui accepter la prière de bane dimounes sans défense, Toi Qui accorde la miséricorde et la grâce dans sa le monde là et dans l'au-delà, c'est Toi tout sel ki capave ena ene vraie pitié [miséricorde] lors moi ; alors favorise-moi d'ene façon à séki mo pas bizin la gentillesse [et faveur] de n'importe ki sanlà [aparte Toi tout sel].

Et sa personnalité (ange) là fine faire moi aussi récite sa *duah* là:

Allahumma Maalikal Mulki tu'til Mulka man tashaa'u wa tanzi'ul Mulka mimman tashaaa'u. Wa tu'izzu man tashaa'u wa tuthil-lu man ta-shaa'u biyadikal khayru innaka 'alaa kulli shay'in qadeer. Rahmaa-nad dunyaa wal aakhirati tu'teheimaa man tashaa'u irhamnee rahmatan tughnee-nee bihaa an rahmati man siwaaka.

Ô Allah, Maître de toute la souveraineté; To donne la souveraineté à celui ki To ouler, et To rase la souveraineté de celui ki To ouler. To élève celui ki To ouler et To dégrade celui ki To ouler. Tout le bien trouve dans To la mains. To puissant lors tout kitchoses. C'est Toi Qui donne la miséricorde dans sa le monde là et dans l'au-delà. To donne la souveraineté et l'honneur à celui ki To ouler, et To prive n'importe ki sanlà ki To ouler de sa. Alors [Ô Allah] accorde moi To faveur dans ene telle façon ki mo pas dans le besoin de n'importe ki gentillesse [et l'aide] de quique ce soit.

Alhamdulillah, Summa Alhamdulillah – Par la grâce d'Allah (swt), mo fine récite sa bane *duahs* là tous les jours après Fajr ainsi ki après Namaz Esha. Dans l'espace ene mois, Allah fine ouvert mo chemin dans ene telle façon kot mo fine capave rembourse tout sa dette là (complet). Avant période de trois mois ki sa dimoune là fine donne moi en plus, mo fine capave rembourse le montant total ki mo ti doit li. **Alhamdulillah, Fatabaarak-Allahu Rabboul Aalameen.** [Louange à Allah. Tous remerciements pour Toi, Ô Allah, le Maître de tous bane les mondes].

En 2008, mo la famille et moi nous fine alle faire Umrah dans Makkah Shariff (pour cinq jours). Ensuite, nous nous fine alle Madina. Avant ki nous prépare nous pour nous voyage à Madina, mo fine alle assizer près de Kaaba Shariff et mo fine

faire beaucoup *duahs*. Kan mo ti pé invoque Allah, nek ene coup mo fine tende ene bien joli la voix ki ti pé récite sa *duah* là dans mo z'oreille:

Allahumma zuqnee shahaadatan fee sabeelikawaj'al mautee bibaladi Rassoolika.

Ô Allah, accorde-moi Shahaadat [martyre] dans To chemin et faire-moi mort dans la ville de To messenger (saws).

Avant mo termine sa Khutba ki conclure le sujet de bane *duahs* [pour le moment], mo tenir à dire zot, ki pour sauve l'humanité de bane caprices (et l'incohérence) Allah (swt) fine donne à l'humanité comme l'instrument, comme z'arme, bane *duahs* - la prière, et sans la prière, l'homme li pas pou en mesure pou servi pleinement so bane capacités, et pou attire bane bénédictions d'Allah. L'existence de nous la vies dépanne de bane *duahs* ainsi ki bane bons actions et la crainte d'Allah. Mo fine être envoyé pour prouver ki l'Islam tout sel li la religion vivante. *Duah* en réalité c'est la prière. L'acceptation de *duah* li pas en fait possible sans la prière. Bane l'aumône, *duahs* et bane actes de charité zot bane boucliers contre bane malheurs. C'est la raison pour laquelle Allah pas fine limite la portée de bane la prières. L'Islam et le Saint Prophète (saws) fine dire nous, d'ene bon façon bien gentille, ki nous ena le devoir pou demande tout bane z'affaires avec Allah, que ce soit li ene grand z'affaire et même ene ti z'affaire, parski nannié pas pou arrive à so conclusion et pou réaliser sans bane bénédictions d'Allah Le Tout-Puissant. Mo demande zot pou prend patience. Rappel-zot ki pli grand la force c'est la force de la patience, ki toujours accordé au Jamaat Ul Sahih Al Islam ki fine établi par Allah Le Tout-Puissant et personne pas pou capave combatte sa la force là. La patience dirige ou vers *duah*, et *duah* et la patience consolide bane ki pieux dans le Jamaat Ul Sahih Al Islam dans ene stade supérieur de la spiritualité.

Alhamdu lillaahil lazi bi ni'-mathihee ta-timmus saalihaat.

Tout louange pou Allah, kot c'est par So l'honneur et majesté ki bane actes de vertu zot accompli.

Donc, mo termine lors sa sujet là pour le moment. Tous bane louanges appartenir à Allah Qui fine permette moi pou cause lors sa sujet bien important là. Sans So l'aide et So miséricorde, mo pas ti pou capave donne sa bane explications là. Mo fine présente zis quelques *duahs* - plus particulièrement, bane *duahs* ki fine révéler dans sa l'époque actuelle de révélation divine. Ena beaucoup bane les

autres *duahs* révélées, ainsi ki bane *duahs* du Quran et bane *duahs* ki le Saint Prophète Muhammad (saws) ti ena l'habitude pou faire – So bane *Sunnat*, et aussi bane *duahs* de Hazrat Massih Ma'ud (as). *Insha-Allah*, le moment venu, c'est Allah Qui pou donne le Tawfiq pour capave cause encore et encore lors sa sujets de bane *duahs* là dans mo bane les autres Khutbas. *Insha-Allah*.

Ki Allah béni tous mo bane disciples, et bane les autres musulmans et l'humanité dans so l'ensemble et sauve nous tous de bane problèmes et difficultés et donne nous la vie tanque ki la vie li dans nous l'intérêt, et ki Li donne nous la mort kan la mort li dans nous l'intérêt et ki Allah complètement satisfait avec nous. *Insha-Allah, Ameen*.